

FEDERALNO MINISTARSTVO KULTURE I SPORTA
KOMISIJA ZA NADZOR NAD ZAKONITOŠĆU RADA FONDACIJA

**IZVJEŠTAJ O NADZORU NAD RADOM FONDACIJE ZA MUZIČKE, SCENSKE I
LIKOVNE UMJETNOSTI – 1. 1. 2024. godine – 31. 12. 2024. godine**

Broj: 06-02-4-285/25-3
Sarajevo, mart 2025.

SADRŽAJ:

I Uvodni dio.....	1
II Fondacija za muzičke, scenske i likovne umjetnosti.....	1-2
III Upravni odbor Fondacije.....	2-3
IV Javni poziv.....	3-4
4.1 Žiri za odabir korisnika sredstava Fondacije.....	5
4.2 Rješenje Jedinice za budžetsku inspekciju.....	6
V Proces kontrole namjenskog utroška sredstava.....	6-7
VI Javne nabavke Fondacije.....	7-8
VII Ostalo.....	8
VIII Preporuke Komisije za nadzor nad zakonitošću rada fondacija.....	9

I Uvodni dio

Zakon o udruženjima i fondacijama (Službene novine Federacije BiH, broj 45/02) propisuje da nadzor nad zakonitošću rada fondacija vrši nadležni federalni odnosno kantonalni organ uprave u čije područje spada praćenja stanja u oblasti na koju se odnosi djelatnost fondacije.

Statutom Fondacije za muzičke, scenske i likovne umjetnosti je utvrđeno da nadzor nad zakonitošću rada Fondacije vrši Federalno ministarstvo kulture i sporta.

Federalno ministarstvo kulture i sporta je donijelo *Pravilnik o vršenju nadzora nad zakonitošću rada Fondacije za kinematografiju, Fondacije za izdavaštvo, Fondacije za bibliotečku djelatnost, te Fondacije za muzičke, scenske i likovne umjetnosti* (06-02-4-3708/23 od 07.08.2023. godine), te *Pravilnik o izmjenama Pravilnika o vršenju nadzora nad zakonitošću rada Fondacije za kinematografiju, Fondacije za izdavaštvo, Fondacije za bibliotečku djelatnost, te Fondacije za muzičke, scenske i likovne umjetnosti* (06-02-4-3708-1/23 od 12.06.2024. godine).

Predmetnim pravilnicima se utvrđuje sistem nadzora nad zakonitošću rada fondacija, rad Komisije i podnošenje izvještaja federalnoj ministrici kulture i sporta.

Rješenjem o imenovanju Komisije za nadzor nad zakonitošću rada fondacija (06-02-4-1/25 I.T. od 14.01.2025. godine), imenovana je Komisiju koju čine:

- Darija Fišić, predsjednica
- Senada Bećirević, članica
- Senad Hašić, član

II Fondacija za muzičke, scenske i likovne umjetnosti

Fondacija za muzičke, scenske i likovne umjetnosti je osnovana aktom Vlade Federacije Bosne i Hercegovine, V broj: 901/07 od 19.12.2007. godine, s ciljem podsticanja, stimuliranja, razvoja i unapređivanja muzičkih, scenskih i likovnih umjetnosti na teritoriji Federacije Bosne i Hercegovine.

Osnovni dokumenti Fondacije za muzičke, scenske i likovne umjetnosti su:

- Odluka o osnivanju Fondacije;
- Statut;
- Pravilnik o radu;
- Poslovnik o radu Upravnog odbora;
- Poslovnik o radu Komisije za provođenje javnog konkursa;
- Pravilnik o procedurama i kriterijima za izbor korisnika sredstava Fondacije;
- Pravilnik o odabiru predsjednika i članova Žirija Fondacije;
- Pravilnik o načinu podnošenja finansijskog i narativnog izvještaja od strane korisnika sredstava Fondacije;
- Pravilnik o javnim nabavkama roba, usluga i radova;
- Pravilnik o naknadama za rad na poslovima Fondacije;
- i dr.

Fondacija je osnovana s ciljem podsticanja, stimulisanja, razvoja i unapređivanje muzičke, scenske i likovne umjetnosti, a naročito u domenu:

- produkcije,
- baštine,
- premijernih izvođenja i predstavljanja,
- manifestacija,
- likovnih izložbi,
- stimulisanja stvaralaca, izvođača, institucija, udruženja i asocijacija,
- otkupa umjetničkih djela i antikviteta,
- očuvanja kulturnih vrijednosti,
- projekata naučno - istraživačkog karaktera,
- gostovanja umjetnika u inostranstvu,
- edukacije kadrova,
- povezivanja i razmjene informacija i iskustava sa sličnim asocijacijama van granica Federacije BiH,
- nekomercijalnih projekata.

Organ upravljanja Fondacijom za muzičke, scenske i likovne umjetnosti je Upravni odbor Fondacije.

III Upravni odbor

Prema Statutu Fondacije za muzičke, scenske i likovne umjetnosti, organ upravljanja Fondacijom je Upravni odbor kojeg čine predsjednik i dva člana. Njih imenuje Vlada Federacije Bosne i Hercegovine iz reda stvaralaca, naučnih, kulturnih i drugih javnih ličnosti, na prijedlog federalnog ministra kulture i sporta.

Mandat predsjednika i članova Upravnog odbora Fondacije traje četiri godine, s tim da mogu biti još jednom imenovani nakon isteka mandata.

Postupak imenovanja i razrješenja članova Upravnog odbora Fondacije se vrši u skladu s važećim Zakonom o ministarskim, vladinim i drugim imenovanjima FBiH.

Za svoj rad i rezultate rada Upravni odbor je odgovoran Vladi Federacije Bosne i Hercegovine.

Na prijedlog federalnog ministra kulture i sporta, Vlada Federacije Bosne i Hercegovine je donijela Rješenje o imenovanju Upravnog odbora Fondacije za muzičke, scenske i likovne umjetnosti (V. broj: 1689/2020 od 03.12.2020. godine).

Također, Vlada Federacije Bosne i Hercegovine je na svojoj 246. sjednici od 03.12.2020. godine donijela Rješenje o razrješenju Upravnog odbora Fondacije za muzičke, scenske i likovne umjetnosti (V. broj: 1685/2020 od 03.12.2020. godine).

Poslovnik o radu Upravnog odbora Fondacije (broj: 02-173/09) je donešen 02.12.2009. godine.

Upravni odbor Fondacije je održao 16 sjednica u periodu od 29.01.2024. godine do 18.12.2024. godine.

IV Javni poziv

Upravni odbor Fondacije je donio *Pravilnik o procedurama i kriterijima za izbor korisnika sredstava Fondacije* (broj: 04-1-61/24 od 30.05.2024. godine), kojim se određuju procedure i kriteriji na osnovu kojih se vrši odabir korisnika sredstava Fondacije

Odluku o raspisivanju Konkursa donosi Upravni odbor. Također, Upravni odbor donosi odluku o izboru korisnika sredstava u skladu sa Pravilnikom.

Vlada Federacije Bosne i Hercegovine je na svojoj 38. sjednici, održanoj 18.07.2024. godine, donijela *Odluku o usvajanju programa utroška sredstava s kriterijima raspodjele sredstava tekućih transferi drugim nivoima vlasti i fondovima – Transfer Fondaciji za muzičke, scenske i likovne umjetnosti utvrđenog Budžetom Federacije Bosne i Hercegovine za 2024. godinu Federalnom ministarstvu kulture i sporta* (V. broj: 1143/2024 od 18.07.2024. godine).

U skladu s Pravilnikom o procedurama i kriterijima za izbor korisnika sredstava Fondacije, Odluku o usvajanju programa raspodjele sredstava donosi Vlada Federacije Bosne i Hercegovine na prijedlog ministra Federalnog ministarstva kulture i sporta.

Upravni odbor Fondacije za muzičke, scenske i likovne umjetnosti je, na sjednici održanoj 16.08.2024. godine, donio *Odluku o objavi Konkursa/Natječaja za izbor korisnika sredstava za 2024. godinu Fondacije za muzičke, scenske i likovne umjetnosti* (broj: 04-3-207/24 od 11.10.2024. godine).

Predmetni konkurs je objavljen 28.08.2024. godine za sljedeće pozicije:

1. Projekti, programi i manifestacije muzičke umjetnosti od značaja za Bosnu i Hercegovinu i Federaciju Bosne i Hercegovine;
2. Projekti, programi i manifestacije scenske umjetnosti od značaja za Bosnu i Hercegovinu i Federaciju Bosne i Hercegovine;
3. Projekti, programi i manifestacije likovne umjetnosti od značaja za Bosnu i Hercegovinu i Federaciju Bosne i Hercegovine;
4. Otkup likovnih umjetničkih djela;
5. Drugi oblici sufinansiranja iz oblasti muzičkih, scenskih i likovnih umjetnosti;
6. Sufinansiranje iz oblasti muzičkih, scenskih i likovnih umjetnosti za fizičke osobe.

Nakon zatvaranja Konkursa i okončanja procedure, donešena je *Odluka o izboru korisnika sredstava Fondacije za muzičke, scenske i likovne umjetnosti za 2024. godinu za manifestacije, programe i projekte muzičke kulture, scenske umjetnosti i likovne umjetnosti od značaja za Bosnu i Hercegovinu i Federaciju Bosne i Hercegovine* (broj: 04-3-137/24 od 03.12.2024. godine).

Također donešena je i *Odluka o izboru korisnika sredstava Fondacije za muzičke, scenske i likovne umjetnosti za 2024. godinu za poziciju „Drugi oblici sufinansiranja iz oblasti muzičkih, scenskih i likovnih umjetnosti“* (broj: 04-3-141/24 od 06.12.2024. godine).

S ciljem realizacije *Konkursa za izbor korisnika sredstava za 2024. godinu*, Upravni odbor Fondacije za muzičke, scenske i likovne umjetnosti je donio:

- Rješenje o imenovanju Komisije za odabir predsjednika i članova žirija Fondacije za muzičke, scenske i likovne umjetnosti za vrednovanje pristiglih projekata na poziciju Otkup umjetničkih djela za 2024. godinu (broj: 04-3-110/24 od 17.09.2024. godine).
- Rješenje o imenovanju i naknadi Komisije za provjeru formalno – pravne ispravnosti prijava pristiglih na Konkurs/Natječaj za izbor korisnika sredstava Fondacije za muzičke, scenske i likovne umjetnosti za 2024. godinu (broj: 04-3-119/24 od 09.10.2024. godine).
- Rješenje o imenovanju i naknadi Komisije za provjeru formalno – pravne ispravnosti prijava pristiglih na Konkurs/Natječaj za izbor korisnika sredstava Fondacije za muzičke, scenske i likovne umjetnosti za 2024. godinu (broj: 04-3-119-1/24).

Fondacija za muzičke, scenske i likovne umjetnost je zaprimila sljedeće prigovore aplikanata na Odluku o izboru korisnika sredstava Fondacije za 2024. godinu za manifestacije, programe i projekte muzičke kulture, scenske umjetnosti i likovne umjetnosti od značaja za Bosnu i Hercegovinu i Federaciju Bosne i Hercegovine:

1. Prigovor Jazz Fest Sarajevo od 12.12.2024. godine (projekat „Music Meeting 2024“) na Odluku o izboru korisnika sredstava Fondacije za muzičke, scenske i likovne umjetnosti za 2024. godinu za manifestacije, programe i projekte muzičke kulture, scenske umjetnosti i likovne umjetnosti od značaja za Bosnu i Hercegovinu i Federaciju Bosne i Hercegovine.

- Odgovor Fondacije, broj: 04-3-183/24 od 19.12.2024. godine.

2. Prigovor Udruženja muzičkih umjetnika „Barte“ od 12.12.2024. godine, na Odluku o izboru korisnika sredstava Fondacije za muzičke, scenske i likovne umjetnosti za 2024. godinu.

- Odgovor Fondacije, broj: 04-3-185/24 od 19.12.2024. godine.

3. Prigovor Udruženja za očuvanje i razvoj umjetnosti „Artista“ (broj: 134/24 od 12.12.2024. godine) na Odluku o izboru korisnika sredstava Fondacije za muzičke, scenske i likovne umjetnosti za 2024. godinu.

- Odgovor Fondacije, broj: 04-3-184/24 od 19.12.2024. godine.

Odgovori Fondacije za muzičke, scenske i likovne umjetnosti na sve zaprimljene prigovore su negativni.

4.1 Žiri za odabir korisnika sredstava Fondacije

U skladu s *Pravilnikom o procedurama i kriterijima za izbor korisnika sredstava Fondacije*, Upravni odbor je dužan imenovati Žiri za odabir korisnika sredstava Fondacije za muzičke, scenske i likovne umjetnosti pod kategorijom „*Otkup umjetničkih djela*“.

Proces se provodi u skladu s *Pravilnikom o odabiru predsjednika i članova Žirija Fondacije*, broj: 04-3-111/21 od 10.02.2021. godine.

Žiri Fondacije za muzičke, scenske i likovne umjetnosti je povremeni organ Fondacije i sastoji se od predsjednika i dva člana. Njih imenuje Upravni odbor nakon provedene konkursne procedure, a potvrđuje federalni ministar kulture i sporta.

Članovi Žirija se imenuju svake godine nakon zatvaranja konkursa za izbor korisnika sredstava Fondacije. Mandat traje do završetka izbora korisnika sredstava Fondacije.

Žiri je za svoj rad odgovoran Upravnom odboru Fondacije i federalnom ministru kulture i sporta.

Upravni odbor Fondacije je 28.08.2024. godine objavio Konkurs/Natječaj (broj: 04-3-102/2024 od 28.08.2024. godine) za izbor predsjednika i članove Žirija za vrednovanje umjetničkih djela iz oblasti likovne umjetnosti prispjelih na Konkurs/Natječaj za izbor korisnika sredstava Fondacije za 2024. godinu za poziciju Otkup umjetničkih djela. Konkurs je bio otvoren do 13.09.2024. godine.

Upravni odbor Fondacije za muzičke, scenske i likovne umjetnosti je donio Rješenje o imenovanju Komisije za odabir predsjednika i članova Žirija Fondacije za muzičke, scenske i likovne umjetnosti za vrednovanje pristiglih projekata na poziciju *Otkup umjetničkih djela za 2024. godinu* (broj: 04-3-110/24 od 17.09.2024. godine).

Upravni odbor je donio Odluku o imenovanju Žirija za vrednovanje pristiglih projekata na poziciju Otkup umjetničkih djela za 2024. godinu (broj: 04-3-112/24 od 24.09.2024. godine).

Fondacija je svojim aktom od 25.09.2024. godine tražila saglasnost od Federalnog ministarstva kulture i sporta na ovu Odluku.

Zaključeni su ugovori o djelu za predsjednika i članove Žirija između Fondacije za muzičke, scenske i likovne umjetnosti i sljedećih osoba:

- Ugovor o djelu zaključen između Fondacije i Amila Smajović (broj: 11-1-115/24 od 02.10.2024. godine).
- Ugovor o djelu zaključen između Fondacije i Dario Pehar (broj: 11-1-116/24 od 02.10.2024. godine).
- Ugovor o djelu zaključen između Fondacije i Ermin Lagumdžija (broj: 11-1-117/24 od 02.10.2024. godine).

4.2 Rješenje Jedinice za budžetsku inspekciju

Jedinica za budžetsku inspekciju Federalnog ministarstva finansija je donijela Rješenje (broj: 12-11-9-1-1013/24 od 24.10.2024. godine) putem kojeg je Fondaciji za muzičke, scenske i likovne umjetnosti naloženo da obustavi sve aktivnosti vezane za realizaciju *Konkursa/Natječaja za izbor korisnika sredstava Fondacije za muzičke, scenske i likovne umjetnosti za 2024. godinu* (broj: 04-3-101/24 od 28.08.2024. godine??), do okončanja inspekcijskog nadzora.

Fondacija za muzičke, scenske i likovne umjetnosti je uložila žalbu na ovo Rješenje, putem advokatske kancelarije Aleksandra Marić, na osnovu kojeg je federalni ministar financija, kao drugostepeni organ, donio Rješenje (broj: 06-11-9-1-9/24 od 08.11.2024. godine) kojim se predmetna Žalba uvažava, Rješenje broj: 12-11-9-1-1013/24 od 24.10.2024. godine poništava, te predmet vraća prvostepenom organu na ponovni postupak.

V Proces kontrole namjenskog utroška sredstava

Upravni odbor Fondacije je usvojio *Pravilnik o procedurama i kriterijima za izbor korisnika sredstava Fondacije za muzičke, scenske i likovne umjetnosti* (broj: 04-1-61/24 od 30.05.2024. godine).

U skladu s *Pravilnikom o vršenju nadzora nad zakonitošću rada fondacija* Federalnog ministarstva kulture i sporta, fondacije su dužne Ministrici dostaviti financijski i narativni godišnji plan. Pored toga, fondacije su dužne pravdati sva financijska sredstva koja im dodjeljuje Ministarstvo na način da uz tabelarno izvješće dostave i predaju sve račune, ugovore, ostale dokaze o utrošku sredstava predviđene u budžetu najduže 30 dana od dana okončanja kalendarske godine.

Odluka o usvajanju programa utroška sredstava s kriterijima raspodjele sredstava predviđa da se namjenski utrošak sredstava obavlja u skladu s *Pravilnikom o načinu podnošenja finansijskog i narativnog izvještaja od strane korisnika sredstava* Fondacije za muzičke, scenske i likovne umjetnosti (broj: 04-3-202/21 od 08.12.2021. godine).

U skladu s ovim Pravilnikom, korisnici sredstva pravdaju u skladu s podnesenim Obrascem za finansijski izvještaj koji je sastavni dio ugovora o dodjeli i korištenju sredstava Fondacije.

Pravilnikom su definirani prihvatljivi i neprihvatljivi troškovi.

Narativni dio izvještaja o namjenskom utrošku odobrenih sredstava, koji se podnosi u skladu s Prijavnim obrascem i Detaljnim opisom projekta, te ostalom dokumentacijom podnesenom na Konkurs/Natječaj za izbor korisnika sredstava Fondacije, sadrži opis provedbe projekta, datum ili datume izvršenja projekta i lokacije na kojima je projekat proveden. Također, narativni izvještaj treba biti potpisan od strane odgovorne osobe korisnika sredstava i ovjeren pečatom.

Rok za dostavljanje izvještaja o namjenskom utrošku odobrenih sredstava od strane korisnika Fondaciji za muzičke, scenske i likovne umjetnosti je 31.03.2025. godine.

Trenutno Fondacija radi na pregledavanju pristiglih izvještaja.

VI Javne nabavke Fondacije

Upravni odbor je donio *Pravilnik o javnim nabavkama roba, usluga i radova* (broj: 04-3-3-4/24 od 29.01.2024. godine).

Donešen je *Plan javnih nabavki Fondacije za muzičke, scenske i likovne umjetnosti za 2024. godinu* (broj: 04-3-21/24 od 28.03.2024. godine).

Upravni odbor je također donio Odluku o izmjeni Plana javnih nabavki Fondacije za muzičke, scenske i likovne umjetnosti za 2024. godinu (broj: 04-3-64/24 od 30.05.2024. godine).

Fondacija nije provodila postupke javnih nabavki u 2024. godini.

Na osnovu tražene, odnosno dostavljene dokumentacije o provedenim postupcima javnih nabavki u toku 2024. godine, Komisija za nadzor nad zakonitošću rada fondacija je utvrdila sljedeće sklopljene ugovore:

1. *Ugovor o održavanju i ažuriranju web-stranice*, zaključen 05.08.2024. godine, između Fondacije za muzičke, scenske i likovne umjetnosti i Obrtničke djelatnosti „Operta“, na period od 12 mjeseci.

Dostavljene su dvije ponude (OD „Operta“ i Nexus ICT d.o.o.).

Finansijskim planom rada Fondacije za muzičke, scenske i likovne umjetnosti za 2024. godinu predviđena je stavka *održavanje web stranice* (800,00 KM).

2. *Ugovor o poslovnoj saradnji* između Fondacije za muzičke, scenske i likovne umjetnosti i Privrednog društva za usluge, trgovinu i ugostiteljstvo „FINKON“ d.o.o. Sarajevo (broj: 04-3-19/24 od 28.03.2024. godine), u svrhu pružanja finansijsko – računovodstvenih usluga za potrebe Fondacije, na period od 12 mjeseci to jest od 01.04.2024. godine 31.03.2025. godine.

Dostavljene ponude (ZOD „Lav“, Finkon d.o.o. Sarajevo i Finit Pro).

Finansijskim planom rada Fondacije za muzičke, scenske i likovne umjetnosti za 2024. godinu predviđena je stavka *računovodstvene usluge* (4.320,00 KM).

3. Fondacija je prikupila tri ponude za advokatsko zastupanje (Ponuda za zastupanje advokata Aleksandra Remića, Ponuda za zastupanje advokatice Aide Junuzović i Ponuda za zastupanje advokatice Aleksandre Mirić), koji su predloženi članovima Upravnog odbora Fondacije na sjednici 18.12.2024. godine. Upravni odbor Fondacije je donio odluku o odabiru ponude advokatice Aleksandre Mirić.

Komisiji nije dostavljen sklopljeni ugovor između Fondacije i advokatice Aleksandre Mirić.

Finansijskim planom rada Fondacije za muzičke, scenske i likovne umjetnosti za 2024. godinu predviđena je stavka *Odvjetnički troškovi* (6.000,00 KM).

VII Ostalo

Prema dostavljenoj dokumentaciji, Fondacija je realizirala 29 službenih putovanja u periodu od 29.01.2024. godine do 17.12.2024. godine unutar Bosne i Hercegovine.

Dostavljeni nalozi za službena putovanja su na ime Miroslav Ilić (28 naloga) i Armin Omerović (1 nalog). Kao svrha putovanja navedeni su sjednica UO, sastanak UO, sastanak sa ministricom Vlasisavljević, radni sastanak UO, Komisija za prijem novog uposlenika, Komisija i intervju sa kandidatkinjom, sastanak sa budžetskom inspekcijom, sastanak Komisije za izbor Žirija, radni sastanak, pregledanje aplikacija i razmatranje aplikacija.

Finansijskim planom rada Fondacije za muzičke, scenske i likovne umjetnosti za 2024. godinu predviđeni su putni troškovi članova Upravnog odbora u iznosu od 5.000,00 KM.

Upravni odbor Fondacije je donio *Financijski plan rada Fondacije za muzičke, scenske i likovne umjetnosti za 2024. godinu* (broj: 04-3-64-1/24 od 30.05.2024. godine), te *Odluku o izmjeni Financijskog plana za 2024. godinu* (broj: 04-3-1-64/24 od 30.05.2024. godine).

Izveštaj o radu Fondacije za muzičke, scenske i likovne umjetnosti za period od 01.01.2024. do 31.12.2024. godine, broj: 04-3-7/25 od 31.01.2025. godine, je također donešen.

Upravni odbor je usvojio Plan rada Fondacije za muzičke, scenske i likovne umjetnosti za 2024. godinu, broj: 04-3-45/24 od 25.04.2024. godine.

Prema dostavljenim informacijama, *djelatnice Fondacije ne koriste privatna vozila na način da se troškovi refundiraju sa računa Fondacije niti mobilne usluge*.

Također, Upravni odbor Fondacije je na osnovu Uredbe o isplati pomoći od strane poslodavaca je 03.12.2024. godine donio odluku o isplati jednokratne naknade uposlenicama Fondacije.


VIII Preporuke Komisije za nadzor nad zakonitošću rada fondacija

Prijedlog preporuka Komisije za nadzor nad zakonitošću rada fondacija:

1. Fondacija za muzičke, scenske i likovne umjetnosti treba preispitati i uskladiti osnovne akte Fondacije sa pozitivnim zakonskim propisima u BiH i FBiH.
2. Izvještaji sa obavljenih službenih putovanja moraju biti sadržajni.
3. Imenovani Žiri treba dostavljati izvještaj o svome radu Federalnom ministarstvu kulture i sporta.

Izvještaj sačinio: Senad Hašić.

KOMISIJA:

1. Darija Fišić, predsjednica 
2. Senada Bećirević, članica 
3. Senad Hašić, član 